



## Ռաֆֆի

### Մոռացված շիրիմ

(Նվեր Ա....-ի հիշատակին)

Դո՛ւ, փափկաթև անուշ հովիկ,  
Ո՞ր այդպես լուռ մըրմնջելով՝  
Կը սավառնիս մեղմիկ-մեղմիկ,  
Ծաղկանց ոգի ներշնչելով:

Դեպի թավուտքն նոճիների,  
Որք մենավոր կծածկեն շիրիմ,  
Նվիրել համբույր փոշիների,  
Որ հայրենյաց էր մտերիմ:

Իսկ դու, սխաակ, բարի հրեշտակ,  
Այդպես քաղցրիկ և հանդարտիկ,  
Տերևախիտ այդ ծառի տակ՝  
Ո՞ւմ կնվիրես քո մեղեդիք:

Ես երգում եմ գոհի մ'աճյուն,  
Որ կամփոփե այդ սուրբ դամբան,  
Ի սեր ազգին թափեց արյուն,  
Ճշմարտության էր նա պաշտպան:

Կանաչագեղ դուք վարդենիք,  
Ձերթ քույրիկներ ջերմ՝ կարոտով,

Մի՞թե եղբայր գրրկած ունիք,  
Կը փայփայեք անուշ հոտով:

Այո՛, եղբայր: Այդ գերեզման,  
Ուր կա ազգի մի նահատակ,  
Նա ուներ կամք, սեր անսահման,  
Պաշտելի է յուր հիշատակ:

Իսկ սիգաճեն դշխոյդ երկնից,  
Ո՞ր նագելով այդպես հուշիկ,  
Արծաթափայլ քո վարսերից  
Կը թափես շողերդ անուշիկ:

Դեպ այդ ձորը Մասյաց լերին,  
Ուր մի շիրիմ՝ կծածկեն սոսիք,  
Հավերժ հարսունքն Արմավիրին  
Նորա շուրջը կհյուսեն դափնիք:

Ո՞վ է դրած շիրմի միջին,  
Դու խո՛ գիտես, ասա՛ լուսին,  
Ես էլ գնամ տամ մի համբույր,  
Տանեմ ծաղկունք վրան բարեբույր:

Երիտասարդ մի դրած է անդ,  
Անխոնջ գործիչ հայրենիքին,  
Որ յուր ջանքը և ջերմ եռանդ  
Ողջ նվիրեց նորա փառքին:

Փլատակների հին մոխիրից  
Կուզեր կանգնել հայությունը,  
«Այբ ու բենի» մեջ էր գտնում  
Նորա միակ փրկությունը:

Հայի արտասուք նա սրբում էր,  
Ազատության էր միշտ պաշտպան,  
Նա չուներ սուր, մարտնչում էր,  
Նորա գեներ էր գրիչ ու բան:

Բռնակալի ձեռքն դավաճան,  
Բարօրության միշտ անհամբեր,  
Նորա կյանքին տվեց վախճան  
Հասուց հարվածք յուր մահաբեր:

Այդ շիրիմն, որ Հայաստանի  
Կրում է գոհն յուր միջում,  
Այժմ մոռացված է հայերից,  
Իմ արտասուքն է նորան թրջում: